

Ժողովուրդ

30
(3061)

7 մարտի ուրբաթ 2025
տպագրության ԺԴ տարի

Ք. Երևան, Արվյան 22ա/3 (0010)

+ 374 10 546423

info.armlur@gmail.com, info.zhoghovurd@gmail.com

100 դրամ

ՄԱՏՎԻԵՆԿՈՅԻՆ ԳՐԿԱԾ ԿԻՄԱՎՈՐԻ՞ ԻՆՉՊԵՍ ԽՈՍՏԱՑԵԼ Է՞Ր



ԱԺ Նախագահ Ալեն Սիմոնյանը չի կողմնորոշվում ամռան սկզբին ինչպես դիմավորի Հայաստան այցելող ՌԴ Դաշնային խորհրդի Նախագահ Վալենտինա Մատվիենկոյին:

«Ժողովուրդ» օրաթերթը հարցում է ուղարկել ԱԺ Նախագահ Ալեն Սիմոնյանին՝ հետաքրքրվելով. «2022 թվականի սեպտեմբերի 17-ին, երբ Դուք օդանավակայանում երկու ձեռքով ողջունելով, ծաղկեփնջով դիմավորեցիք ԱՄՆ Ներկայացուցիչների պալատի խոսնակ Նենսի Փելոսիին, ՌԴ Դաշնային խորհրդի Նախագահ Վալենտինա Մատվիենկոյն տարակուսել էր այդ ջերմ վերաբերմունքից: Ի պատասխան՝ Դուք խոստացել էիք, որ երբ Մատվիենկոյն Հայաստան գա, կգնաք եւ ինքնաթիռի մոտ նրան գրկած կդիմավորեք: Հիմա պարզվել է, որ Մատվիենկոյն առաջիկայում Հայաստան կգա: Ըստ այդմ, ցանկանում եմք իմանալ՝ արդյոք կկատարե՞ք Ձեր խոստումը եւ նրան գրկած կդիմավորե՞ք ինքնաթիռի աստիճանների վրա»:

Սակայն ԱԺ Նախագահ Ալեն Սիմոնյանը դեռ չգիտի՝ կատարելու է խոստումը, թե ոչ: Համեմատելու համար, նրա ուղարկած պատասխանը ոչնչի մասին է. «Տեղեկատվության ազատության մասին» օրենքի իմաստով այն հարցում չի հանդիսանում»: Ահա Մատվիենկոյին դիմավորելու մասին ուղիղ հարցին ինչ անբովանդակ պատասխան է տվել Ալեն Սիմոնյանը ԱԺ Նախագահի խոսնակի միջոցով:

Հիշեցնենք, որ ՌԴ Դաշնային խորհրդի Նախագահը, Նախկան պայմանավորվածությամբ, Երևան կժամանի այս տարվա հունիսի 5-6-ը:

«Ժողովուրդ» օրաթերթը տեղեկացավ, որ ՀՀ Ազգային ժողովում երեկ կայացած դռնփակ հանդիպումը լարված է անցել, ուղեկցվել գոռոռոնցներով: 2020 թ.-ից անհետ կորած զինծառայողների ծնողների պահանջով երեկ Ազգային ժողովում դռնփակ հանդիպում է եղել ԱԺ ԶԳ խմբակցության պատգամավոր, ԱԺ պաշտպանության եւ անվտանգության հարցերի մշտական հանձնաժողովի Նախագահ Անդրանիկ Քոչարյանի հետ: «Ժողովուրդ» օրաթերթը դռնփակ նիստից որոշ մանրամասներ կարողացավ պարզել: Նախ տեղեկացանք, որ հանդիպմանը մոտ 30 ծնող է մասնակցել, որոնք զայրացած են եղել Անդրանիկ Քոչարյանի հարցազրույցից: Մոտ մեկ շաբաթ առաջ Անդրանիկ Քոչարյանը լրագրողների հետ ճեպագրույցում ասել էր, որ լսումների ժամանակ խոսվել է քննության միջոցով ձեռք բերված փաստացի տվյալների մասին, թե որտեղ փնտրենք անհետ կորածին, կամ զոհվածի մահվան հանգամանքները: «Մոտավորապես 173 այդպիսի գործերի շարունակություն կա: Մասունքները պետք է փնտրել այսօր հակառակորդի մոտ. դրան հասնելու համար եւ Հայաստանի եւ Ադրբեջանի հանձնաժողովները աշխատում են: Նաեւ հանդիպում ենք ունեցել ԱԾ տնօրենի հետ եւ պետք է հասնենք նրան, որ բոլորին բոլորի հետ փոխանակենք: Խոսքը մասունքների մասին է: Ծնողը կհանգստանա, երբ որ իր երեխայի գոնե մասունքը գտնի, եթե պարզվի, որ զոհված է: Հողին կհանձնի եւ հանգստություն կգտնի», - ասել էր Անդրանիկ Քոչարյանը:



Նիկոլ Փաշինյանի իշխանությունը, գիշեր-ցերեկը մեկ արած, ջանքեր է գործադրում Գյումրու եւ Փարաքարի արտահերթ ընտրություններում հաղթանակ ապահովելու համար: «Ժողովուրդ» օրաթերթի աղբյուրները փոխանցում են, որ այս հարցում բոլոր մանրուքներով զբաղվում է Նիկոլ Փաշինյանը ու երկու մարզի մարզպետների հետ անդադար կապի մեջ է, որոնք էլ զեկուցում են, թե ինչ իրավիճակ է բնակիչների շրջանում, ինչ տպավորություններ ու պահանջներ կան: Դա է պատճառը նաեւ, որ օրումեջ ռեժիմով ԶԳ Վարչության արտահերթ նիստ է գումարվում, որի ժամանակ, Գյումրու եւ Փարաքարի նախընտրական ցուցակներից բացի, քննարկվում են նաեւ առաջիկա անելիքները: Փաշինյանը բոլոր հարցերին ինքն է անդրադառնում: Այս պահին ԶԳ-ական վարչության անդամներն ու մարզի «վերնախավը» Փաշինյանին համոզել են, որ ամեն բան կարգին է, ընդդիմությունը ընտրվելու շանս չունի:



Հայաստանի Հանրապետության սպառողական շուկայում 12-ամսյա գնաճը (2025 թ. փետրվարը 2024 թ. փետրվարի նկատմամբ) կազմել է 2.5%, իսկ նախորդ ամսվա նկատմամբ՝ 0.1%: Այս թվերը «Ժողովուրդ» օրաթերթը վերցրել է ՀՀ Վիճակագրական կոմիտեից: Թեեւ իշխանության ներկայացուցիչները խորհրդարանում ամպագոռոռ թվեր են շռայլում՝ հղում անելով վիճակագրական կոմիտեին, այնուամենայնիվ ազնիվ գտնվող մի քանի ներկայացուցիչներ հստակ պնդում են, որ Վիճակագրական կոմիտեի թվերը ոչ միշտ է, որ համընկնում են ֆինանսների նախարարության կամ, օրինակ, Կենտրոնական բանկի ներկայացրած տվյալների հետ: Այս ամենը մի կողմ դնելով՝ եկեք հասկանալ, թե սպառողական գների ինչ փոփոխություններ են եղել Հայաստանում: Համաձայն Նոյն Կոմիտեի՝ 2025 թվականի հունվար-փետրվար ամիսներին հանրապետությունում արձանագրվել է սննդամթերքի եւ ոչ ալկոհոլային խմիչքի 4.5%, իսկ 2025 թ. հունվարի համեմատ՝ 0.5% գնաճ: Հանրապետության դիտարկվող 7 բնակավայրերում 2025 թ. փետրվարին հունվարի համեմատ սննդամթերքի եւ ոչ ալկոհոլային խմիչքի գներն աճել են 0.1 - 0.9%-ով, 3-ում գրանցվել է 0.7 - 0.1% գնանկում, իսկ մեկում պահպանվել է գների նախորդ ամսվա մակարդակը: Մայրաքաղաքում սննդամթերքի եւ ոչ ալկոհոլային խմիչքի գներն աճել են 0.7%-ով: 2025 թ. փետրվարին 2024 թ. փետրվարի համեմատ հանրապետությունում գրանցվել է բրնձի՝ 1.8%, հացի՝ 2.8%, ալյուրի՝ 4.3%, իսկ 2025 թ. հունվարի համեմատ՝ համապատասխանաբար 1.6%, 0.3%, 0.3% գնաճ:



ԳՅՈՒՄՐՈՒ ԸՆՏՐՈՒԹՅՈՒՆՆԵՐԻՑ

ՔՊ ՊԱՏԳԱՄԱՎՈՐԻՆ ԱՐԳԵԼԵԼ ԵՆ ԽՈՍԵԼ

«Ժողովուրդ» օրաթերթի ժողովրդագրությունում ՔՊ խմբակցության մի խումբ լուսաբանողները դիմել են խմբակցության ղեկավար Հայկ Կոնջոբյանին...



Վլաստով Են Կոնջոբյանի հետ զրույցի ժամանակ

Պարզվում է՝ ՔՊ-ական Էմմա Պալյանի համար «ծաղրածու», «ջեբկիր» բառերը վիրավորական չեն, «Ժողովուրդ» օրաթերթի հետ զրույցում նա ասաց, թե իրեն չեն արգելել գրառումներ անել...

Տիկին Պալյան, Դուք ակտիվորեն գրառումներ եք անում Գյումրիում տիրող իրավիճակի մասին: Ընտրությունների վերաբերյալ կարծիքներ եք հայտնում, թեկնածուների մասին նույնիսկ վիրավորական արտահայտություններ եք անում...

Քերական սուտն է ու իրականությանը չհամապատասխանող տեղեկություններ: Մենք՝ պատգամավորներս, ազատ ենք մեր գործունեության մեջ:

Այսինքն, պետք է 5 րոպեի մեկ գրառում անենք, որ նման հարց չտաք:

Ձեր թիմակիցները դիմել են, ասել, որ նման բառապաշարով գրառումները

վլաստով Են Կոնջոբյանի հետ զրույցի ժամանակ

Նորից եմ կրկնում՝ պատգամավորներս ազատ ենք մեր գործունեության մեջ, այլ տարբերակ չկա: Են Կոնջոբյանը խոսեց իր կարգի մասին: Են Կոնջոբյանը խոսեց իր կարգի մասին...

Ձեք կարծում, որ նույնիսկ այդ քննադատությունները պետք է չափավոր լինեն, քանի որ վիրավորական արտահայտությունները, անգամ քաղաքական մրցակցության դեպքում, այնքան էլ ճիշտ չեն:

Ես ամենայն հարգանքով եմ վերաբերվում Ձեր եւ բոլոր լրագրող գործընկերներին, բայց ես ուզում եմ մեկնաբանել այս թեման փակել: Պատգամավորների շրջանում ու առհասարակ մեր քաղաքական թիմում չկա խոսքի որեւէ սահմանափակում:

Դա բնավ չի համապատասխանում իրականությանը: Մենք ազատ ենք, եւ Ձեր նշած խոսույթն ի պատասխան է այս մարդկանց պահվածքին: Դա միայն

ես չեմ ասում, դա գյումրեցիների գերակշիռ մասն է ասում: Այն մարդիկ, որոնք իրենց կայսեր են տվյալ կերպ, թե՛ իմ էջերում, թե՛ իմ գործընկերների էջերում դուք կտեսնեք նման արձագանք: Եթե անձը քաղաքական հարթակը շփոթում է թատերական ներկայացման հետ, ապա ես իրավունք ունեմ նման գնահատական տալու: Իրականում տպավորություն է, որ որոշ մարդիկ ինչ-որ տեղ թափուր ծաղրածուի հաստիքի մասին հայտարարություն են տեսել եւ շփոթել են Գյումրիում սպասվող ՏԻՄ ընտրությունների հետ:


Դա բավականին լուրջ քաղաքական պայքար է, լուրջ գործընթաց է, ու ես, լինելով քաղաքական գործիչ, սխալ եմ համարում այս ամենը անլրջացնելը: Այնպես որ, իմ սոցիալական էջերում համապատասխան գնահատական է հնչել այդ մարդկանց հասցեին, եւ որեւէ վիրավորական բան չեմ տեսնում այդտեղ:

«Ծաղրածու»-ն վիրավորանք չէ՞ք համարում:

Ես նշեցի, որ դա ուղիղ գնահատական է տվյալ մարդու ցուցաբերած վարքագծին:

Զրույցը ՔՊ-ի ՄԱՍԻՆԱ ՄՈՒՇԵՐՅԱՆԸ

ՀԱՍՏԱՏԵԼ Է



Արցախի Պաշտպանության Բանակի նախկին իրամասնատարի տեղակալ Դավիթ Մանուկյանը երեկ իր ու Արցախի ռազմաքաղաքական ներկայացուցիչների դեմ հարուցված շինծու քրեական գործի շրջանակում ցուցմունք է տվել Բաքվի դատարանում:

Ադրբեջանական ՋԼՄ-ների փոխանցմամբ՝ նա հաստատել է, որ Յայաստանի զինված ուժերում զբաղեցրել է բարձրաստիճան պաշտոն, ունի գեներալ-մայորի կոչում, կապիտան Ադրբեջանի զինուժի դեմ: Մանուկյանը, իբրեւ թե, հայտարարել է, որ հրազենը, որը հետագայում հայտնաբերվել է իր տանը, հաշվառված է եղել Յայաստանի ոստիկանությունում: Զինվորականը նշել է, որ 44-օրյա պատերազմի ժամանակ իր մեքենան խոցվել է «Բայրաքթար»-ով, ինչի հետեւանքով իր վարորդը վիրավորվել է, ինքը չի տուժել, քանի որ մեքենայից 20 մետր այն կողմ է գտնվել:

ԱԼԻԵՎԸ ԽՈՍԵԼ Է ՆԱԽԻՋԵՎԱՆԻՑ

«Նախիջեւանը Ադրբեջանի պատմական տարածքն է, որն ավելի քան մեկ դար անջատված է Ադրբեջանի հիմնական մասից եւ չունի ցամաքային կապ՝ խորհրդային վարչակազմի կողմից «Արեւմտյան Զանգեզուրը» Ադրբեջանից անջատելու եւ Յայաստանին փոխանցելու պատճառով: Այս մասին Թուրքիայում հայտարարել է Ադրբեջանի նախագահ Իլհամ Ալիևը: Նրա խոսքով՝ սա լուրջ «անարդարություն» է:

«Ղարաբաղյան առաջին պատերազմի ժամանակ Յայաստանը շրջափակվել էր Նախիջեւանը: Յայերը ցանկանում էին «օկուպացնել» Նախիջեւանը, «ինչպես արեցին Ղարաբաղի դեպքում»: Յայրս՝ Յեյդար Ալիևը, որն այն ժամանակ Նախիջեւանի ղեկավարն էր, դա թույլ չտվեց: Նախիջեւանը չգրավելու պատճառներից մեկը Նախիջեւանի եւ Թուրքիայի միջեւ Յուլի կամուրջի կառուցումն էր: Թուրքիայի օգնությունը նշանակալի ներդրում է ունեցել Նախիջեւանի անվտանգության գործում», - ասել է Ալիևը: Նախիջեւանը Յայաստանի առաջին հանրապետության մասն է եղել: Սակայն 1921-ի մարտի 16-ին Խորհրդային Ռուսաստանը եւ Թուրքիան Մոսկվայում կնքել են պայմանագիր, ըստ որի՝ Նախիջեւանը հանձնվել է Խորհրդային Ադրբեջանին: Այժմ Նախիջեւանը հայաթափված է եւ բռնակցված Ադրբեջանի Յանրապետությանը:

ՍԱՆԿՑԻՎՈՒՄ ԵՆ ՊԵՏՔ

ԿԱՐՈՂ Է ՄԻՋԱԶԳԱՅԻՆ ԿԱՌՈՒՅՑՆԵՐԻՆ ՎՏԱՐԵԼ ԲԱՔՎԻՑ

«Գեո չեմ կարողացել կադ հաստատել ընտանիքի հետ, եւ չգիտեմ՝ որքանով է Ռուբեն Վարդանյանը ինչպե՞ս խնդրանքի մասին: Այս հացադուլն իմ մասին չէ, ուղղակի խնդրանք է Ռուբեն Վարդանյանին, որ ողջ մնա»: Այս մասին հայտնել է «Ադրբեյու Երկիր» կուսակցության համահիմնադիր Մանե Թանդիլյանը: «Ես վստահ եմ չեմ, որ իմ հացադուլի մասին իմանալուց հետո նա կդադարեցնի իր հացադուլը, որովհետեւ ոչ մեկ չգիտեմ՝ իրականում ինչ է կատարվում այնտեղ», - հավելել է Թանդիլյանը:

դարձել էր Ազատության հրապարակ: «Ճնշումն էր իջել, հաճախատություն ունեի, որոշակի բժշկական օգնություն ստացա ու վերադարձա, հիմա ավելի լավ եմ», - ասաց նա:

Այն հարցին՝ չի՞ պատրաստվում դադարեցնել հացադուլը՝ հաշվի առնելով առողջական խնդիրները, Մանե Թանդիլյանը պատասխանել է. «Շատ ավելի վատ ինքնազգացողությամբ եւ առողջական ավելի վատ վիճակում եւ Ռուբեն Վարդանյանը Բաքվի բանտում, ու շարունակում է հացադուլը: Յուրաքանչյուր գիտակից մարդ պիտի հասկանա, որ ամեն օր իր համար մահացու է: Իմ խնդրանքն իր մեջ նաեւ ժամկետ ունի, ես խնդրել եմ, որ նա դադարեցնի հացադուլը, որովհետեւ հայ ժողովուրդն իր կարիքն ունի: Ինչքանով է հայ ժողովուրդը դա հասկանում՝ չգիտեմ, բայց ես, իմա-

նալով, ինչ հայրորդի է Բաքվի բանտում, ուղղակի ուզում եմ, որ նա ողջ մնա»:

Խոսելով այն մասին, որ Ադրբեջանը մտադիր է փակել ԿԻՄԿ ներկայացուցչությունն իր երկրում, եւ պատասխանելով հարցին՝ արդյոք դա միջոց է Բաքվում ապօրինաբար պահվող հայ գերիների նկատմամբ իրականացվող խոշտանգումները թաքցնելու, Մանե Թանդիլյանը պատասխանեց. «Ավնհայտ է, որովհետեւ գերիների ընտանիքները նրանց հետ կապ են հաստատում Կարմիր խաչի միջնորդությամբ: Եվ ինչ է սա նշանակում, Ալիևին թույլատրված է անգամ միջազգային կառույցներին վտարել Բաքվից: Բա բան չունի՞ ասելու աշխարհը, իսկ ու՞ր են սանկցիաները: Պետք է օր առաջ կիրառել երկրի վրա, որը հանդգնում է միջազգային կառույց վտարել իր երկրից»:

ԻՐԱՎԻՃԱԿ

ՀԱՊԿ-ԻՑ

ԿԱՊԵՐ Է ՊԱՐՊԱՆՈՒՄ ՀԱՅԱՍՏԱՆԻ ՀԵՏ

ՀԱՄԵՄԱՏԵԼԻ ՉԵՆ



Ոչ ոք Հայաստանին անվտանգության երաշխիքներ չի տվել, որոնք համեմատելի են ռուս-հայկական հարաբերություններում եղածի հետ: Այս մասին ասել է Հայաստանի Հանրապետությունում Ռուսաստանի Դաշնության արտակարգ և լիազոր դեսպան Սերգեյ Կոպիրկինը: Դիվանագետի խոսքով՝ ամեն դեպքում ինքը տեղյակ չէ այս մասին վկայող փաստաթղթերից կամ հայտարարություններից: Դեսպանը հավելել է, որ անվտանգության ոլորտում հայ-ռուսական երկկողմ հարաբերությունների հիմնական բաղադրիչները նույնն են՝ կա բազա, կան սահմանապահներ՝ իրենց ներկայության որոշակի դիմամիկայով, նրանք շարունակում են ծառայել սահմանին: «Որքան ես հասկանում եմ, սա բարձր է գնահատվում Հայաստանի դեկլարության կողմից», - նշել է դեսպանը: Անդրադառնալով Հայաստանում ԵՄ դիտորդական առաքելությանը՝ Սերգեյ Կոպիրկինը հիշեցրել է, որ Մոսկվան բազմիցս արտահայտել է իր դիրքորոշումը. «Մենք համոզված ենք մեր դիրքորոշման ճշտության մեջ, այդ թվում՝ արեւմտյան գործընկերների հետ հարաբերությունների փորձի հիման վրա, բայց դա Հայաստանի որոշումն է»:

Պատասխանելով ռազմատեխնիկական ոլորտում համագործակցության մասին հարցին՝ դեսպանն ասել է, որ այդ թեման օրակարգային է: Նրա խոսքով՝ այս ոլորտում շատ մեծ տեղեկատվություն է կուտակվել: Ռուսական կողմում կա քաղաքական կամք ելնակություն՝ պահպանելու այն, ինչ կան: «Հարցերը քննարկվում են, լուծումներ են որոնվում», - եզրափակել է դեսպանը:

ՎԵՐԱԿԱՆԳՆՎԵԼ Է

Վայոց ձորի մարզի Եղեգնաձոր խոշորացված համայնքի սեփականության իրավունքն է գրանցվել Մալիշկա բնակավայրում գտնվող 7,000 քմ (0,7 հա) ընդհանուր մակերեսով «գյուղատնտեսական» նպատակային նշանակությամբ 4 հողամասերի նկատմամբ: Հիշեցնենք, որ 2024 թվականի դեկտեմբերի 27-ին Հակակոռուպցիոն դատարանը բավարարել էր Գլխավոր դատախազության՝ պետական շահերի պաշտպանության հայցը, որով անվավեր էր ճանաչել Վայոց ձորի Եղեգնաձոր խոշորացված համայնքի Մալիշկա բնակավայրում գտնվող չորս հողամասերի՝ 2006-2007 թվականների աճուրդներն ու վերականգնել էր դրանց նկատմամբ Վայոց ձորի մարզի Եղեգնաձոր խոշորացված համայնքի սեփականության իրավունքը:

Հավաքական անվտանգության դաշնակցի կազմակերպության (ՀԱՊԿ) գլխավոր ֆարսուղար Իմանուել Թասմադամբեսովը հայտարարել է, որ կազմակերպությունն աշխատանքային կապեր է դահողանում Հայաստանի հետ: Այս մասին ՀԱՊԿ գլխավոր ֆարսուղարը հայտնել է, ռուսական «Իզվեստիա» թերթին տված հարցազրույցում՝ անդրադառնալով կազմակերպության եւ Հայաստանի միջեւ համագործակցությանը:

«Մենք աշխատանքային կապեր ենք պահպանում Երեւանի հետ: Ուզում եմ ես մեկ անգամ շեշտել, որ Հայաստանի Հանրապետությունը մնում է դաշնակից, եւ կազմակերպության պարտավորությունները երկրի նկատմամբ պահպանվում են», - նշել է Իմանուել Թասմադամբեսովը: Անդրադառնալով ՀԱՊԿ-ի հետ համագործակցությունը վերսկսելու պատրաստակամության մասին Հայաստանից ստացված հնարավոր ազդանշաններին՝ Թասմադամբեսովը հայտարարել է, որ հարաբերությունների ձեւաչափը չի փոխվել եւ մնում է նույնը: Հայաստանի վարչապետ Նիկոլ Փաշինյանը 2024 թվականի փետրվարին հայտարարել էր, որ Հայաստանը սառեցրել է իր մասնակցությունը Հավաքական անվտանգության պայմանագրի կազմակերպության աշխատանքներին:

«Ես գնահատում եմ, որ ՀԱՊԿ-ը չի կատարել անվտանգային ոլորտի պարտավորությունները Հայաստանի նկատմամբ, մասնավորապես 2021 թվականին, 2022 թվականին, եւ դա չէր կարող անցնել առանց հետեւանքների: Եվ հետեւանքն էլ այն է, որ մենք գործնականում, ըստ էության, սառեցրել ենք մեր մասնակցությունը ՀԱՊԿ-ում», - հայտարարել էր Փաշինյանը:

Հավաքական անվտանգության պայմանագրի կազմակերպությունը (ՀԱՊԿ) պատրաստ կլինի առաջարկելու օգնության զանազան տարբերակներ, եթե



Եվրամիությունը զինվորականներ ուղարկի Ուկրաինա: Այդ մասին հայտարարել է կազմակերպության գլխավոր քարտուղար Իմանուել Թասմադամբեսովը «Իզվեստիա» թերթին տված հարցազրույցում: «Բնավ առաջին անգամ չէ, որ Եվրոպայի մայրաքաղաքներում քննարկում են Ուկրաինա զորակազմ ուղարկելու հնարավորության հարցը: Սակայն մինչ օրս այդ զորակազմերը պաշտոնապես ներկա չեն այնտեղ: Պատճառն այն է, որ դա կարող է վտանգավոր իրադրություն ստեղծել տարածաշրջանի մասշտաբներով: Նման ռիսկերի հայտնվելու դեպքում ՀԱՊԿ-ը պատրաստ կլինի օգնության զանազան տարբերակներ առաջարկել կազմակերպության կանոնադրական փաստաթղթերով նախատեսված շրջանակներում եւ, իհարկե, որոնք հավանության կարծանանան բոլոր անդամ պետությունների կողմից», - հայտնել է Թասմադամբեսովը: Նրա խոսքով՝ Եվրամիության բնակչությունը կարող է հավանություն չտալ զորքեր ուղարկելու՝ երկրների կառավարությունների որոշմանը: ՀԱՊԿ գլխավոր քարտուղարը նշել է, որ նման իրավիճակը կարող է բեռ դառնալ հասարակության համար, նույնիսկ եթե այդ գորակազմերը գործի չդրվեն հարձակողական գործողություններում, այլ սկսեն կատարել ոստիկանական կամ հսկողական գործառնություններ:

Է. ՄԻՔԱՅԵԼՅԱՆ

ՕՐՎԱ ԽՃԱՆԿԱՐ

ԴԱՏԱՎՈՐԸ ՀԱՅՏՆԻ Է

ArmLur.am-ը տեղեկացավ, որ Էդգար Ղազարյանի դեմ հարուցված քրեական գործը քննող դատավորի անունը հայտնի է: Գործը մակագրվել է դատավոր Սաթենիկ Անդրեասյանին: Ըստ մեղադրական եզրակացության՝ Էդգար Ֆերդինանդի Ղազարյանին մեղադրանք է առաջարկվել այն բանի համար, որ նա «Հայաստանի Հանրապետության միջեւ պետական սահմանի սահմանազատման եւ սահմանային անվտանգության հարցերով հանձնաժողովի ու Ադրբեյջանի Հանրապետության եւ Հայաստանի Հանրապետության միջեւ պետական սահմանի սահմանազատման պետական հանձնաժողովի համատեղ գործունեության մասին» կանոնակարգում ամրագրված պարտավորությունների՝ Սահմանադրությանը համապատասխանության հարցը որոշելու վերաբերյալ քննված գործի ընթացքի եւ նշված գործով 2024 թվականի սեպտեմբերի 26-ին կայացված ՍԴՈ-1749 որոշման կապակցությամբ 2024 թվականի օգոստոսի 28-ից մինչեւ 2024 թվականի հոկտեմբերի 9-ն ընկած ժամանակահատվածում հրապարակել է «Սահմանադրական դատարանի դատավորներին եւ արտապորտը, նրանց իրավունքներին ու օրինա-

կան շահերին վնաս պատճառող տեղեկություններ:

ԿԻՐԱԿՈՍՅԱՆՆ ԱԶԱՏՎԵՑ

Նիկոլ Փաշինյանի որոշմամբ՝ Եղիշե Կիրակոսյանին ազատվել Միջազգային իրավական հարցերով ներկայացուցչի պաշտոնից: «Ղեկավարվելով «Միջազգային իրավական հարցերով ներկայացուցչի մասին» օրենքի 4-րդ հոդվածի 2-րդ եւ «Հանրային ծառայության մասին» օրենքի 9-րդ հոդվածի 26-րդ մասերով՝ Եղիշե Կիրակոսյանին ազատել Միջազգային իրավական հարցերով ներկայացուցչի պաշտոնից», - նշված է որոշման մեջ:

ԿՑՈՐԳ ԿՈՒՆԵՆԱ

Հայաստանը ԵՄ-ում պաշտպանության հարցերով կցորդ կունենա: Որոշման նախագիծն ընդունվել է ՀՀ կառավարության երեկվա նիստում: Պաշտպանության հարցերով կցորդի նստավայրը Բելգիայի Թագավորությունն է՝ Բրյուսել քաղաքը: Համաձայն հիմնավորման՝ կցորդը իրականացնելու է միջազգային կազմակերպության, ինչպես նաեւ անդամ պետությունների միջեւ ռազմական եւ ռազմաքաղաքական համագործակցության համադր-

ման եւ կոորդինացման աշխատանքները, կամրակառուցի փոխգործակցության մակարդակը, ինչպես նաեւ կներկայացնի համագործակցության հեռանկարային զարգացման վերաբերյալ առաջարկություններ:

ԱՅՑԵԼԵԼ ԵՆ ՀՈՍՊԻՏԱԼ

ՄԻՊ ներկայացուցիչները այց են իրականացրել ՀՀ ՊՆ Երեւանի կայազորային հոսպիտալ: Իրաքական այցի նպատակն էր տեղում դիտարկել հոսպիտալ տեղափոխված զինծառայողի իրավունքների վիճակը, ինչի կապակցությամբ ստացվել էր նաեւ ահազանգ: Այցի ընթացքում ՄԻՊ ներկայացուցիչները հանդիպել են հոսպիտալի ղեկավար անձնակազմի, զինծառայողին բուժող բժշկի հետ, առանձնազրույց ունեցել զինծառայողի հետ, որի ընթացքում պարզաբանվել են իր իրավունքների իրացման հնարավորությունները: Բուժանձնակազմի հետ քննարկվել են զինծառայողի բուժման ու փորձաքննության հետ կապված հարցեր: Զինծառայողների առողջական վիճակի եւ պատշաճ բուժօգնության հետ կապված հարցերը գտնվում են Մարդու իրավունքների պաշտպանի անմիջական ուշադրության ներքո, զինվորական հոսպիտալներ այցելը կրում են շարունակական բնույթ:



ՀՈԳԵՎՈՐ

ՀԱՐՑ. Արդեն շուրջ մեկ տարի է, ինչ աշխատում են որդես զբոսավար՝ դասնելով Հայաստանի մասին օտարերկրացիներին: Վերջերս իսպաղի մի զբոսաբերական ասաց, թե կարգացել էր, որ եկեղեցական հագուստի գլխածածկի եռանկյունաձև եւ բարձր լինելը խորհրդանշում է Արարածը: Արդյո՞ք դա այդպեղն է:

Անխոա Սիմոնյան (41 տարեկան)



ՊԱՏԱՍԽԱՆ. Հայտնում ենք, որ խոսքը վերարի մասին է: Հանդերձանքի այդ պարագայի հորինվածքը նմանեցվել է եկեղեցու գմբեթին, որն էլ իր հերթին ունի դեպի կատարելության ձգտման խորհուրդ: Մենք գիտենք, որ եկեղեցու գմբեթները բազմանիստ են եւ կլոր, բայց այն ուղիղները, որ դուրս են գալիս այդ կետերից, հատվում են մեկ կետում, որն էլ խորհրդաբար համարվում է կատարելության կետը: Հենց այդտեղ է դրված եկեղեցու խաչը: Ուստի հոգեւորականի վերարի հորինվածքը եկեղեցու գմբեթի նմանությունն ունի, այլ ոչ թե Արարատի, որը ի դեպ, երկու գագաթ ունի:

Օրհնությամբ՝ Տեր Շնավոն քահանա Ղեւոնդյան

«ԺՈՂՈՎՈՒՐԳ». Հայ Առաքելական եկեղեցու հովվապետի հանդերձանքի ձեւավորման, ստեղծման եւ զարգացման գործընթացը Հայաստանում սկսվել է քրիստոնեության ընդունումից անմիջապես հետո: Այն դարերի ընթացքում, ըստ կանոնակարգի, զարգանալով եւ համալրվելով կատարելագործվել, ձեռք է բերել բազմաշերտ կառուցվածք եւ շքեղ հարդարանք: Իր արտաքին տեսքով այն խիստ պատկառազու է, օժտված հնօրյա խորհրդաբանությամբ: Հայոց եկեղեցու նվիրապետական կառուցումը կաթողիկոսական հանդերձանքն այն կրողի գրաված դիրքի հիմնական ցուցիչն է, նրա սոցիալական կարգավիճակի արտահայտիչը: Որպես Հիսուսի փոխանորդ, Սուրբ Սեղանի առջեւ ծառայող հովվապետի ծիսական հանդերձանքը ներկայացնում է նաեւ հովվապետի համալրված հոգեւոր վիճակը:

Էջը՝ ԱԼՎԱՐԴ ԿՈՇԿԱԿԱՐՅԱՆԻ

ՍՈՑԻԱԼԱԿԱՆ

ՀԱՐՑ, Խնդրում ենք ասե՞ք որ դեղում է մեծվում անձին կենսաթոշակի նշանակումը: Անահիտ Խաչատրյան (63 տարեկան)



ՊԱՏԱՍԽԱՆ. Ա. Խաչատրյանի հարցին ի պատասխան տեղեկացնում ենք, որ կենսաթոշակի նշանակումը մեծվում է, եթե՝
անձը չունի կենսաթոշակի իրավունք,
կենսաթոշակի իրավունք ունեցող անձը, ըստ Հայաստանի Հանրապետության բնակչության պետական ռեգիստրում առկա տվյալների, հաշվառված չէ ՀՀ-ում բնակության վայրի հասցեով,
ներկայացված փաստաթղթերը եւ պետական կենսաթոշակային համակարգի տվյալների շտեմարանի տվյալները բավարար չեն անձին կենսաթոշակ նշանակելու համար:

ՀՀ աշխատանքի եւ սոցիալական հարցերի նախարարություն

«ԺՈՂՈՎՈՒՐԳ». Հայտնում ենք, որ օտարերկրյա քաղաքացին կամ քաղաքացիություն չունեցող անձը կենսաթոշակի եւ կենսաթոշակ ստանալու իրավունք ունի Հայաստանի Հանրապետությունում բնակվելու իրավունք ունենալու ժամանակահատվածում: Հայաստանի Հանրապետությունում փախստականի կարգավիճակ չունեցող օտարերկրյա քաղաքացին կենսաթոշակի իրավունք ունի, եթե նա կենսաթոշակ չի ստանում այն պետությունից, որի քաղաքացին է:

ԼՈՒՐ ԿԱԴՐ

Լուսանկարն արվել է Էրեբունի վարչական շրջանում



Փաստորեն շունն ու կատուն հին ավանդույթների չեն հետեւում. նրանք հաշտ ու համերաշխ պառնկել են արեւի ճառագայթների տակ՝ կանգառի նստարանին:

ԲԱԺՆՈՐԴԱԳՐՈՒԹՅՈՒՆ

Մեր թերթը
Բաժանորդագրվելու
համար կարող եք դիմել



«Հայկուստ» ՊՓԲԸ
հեռ. 51-45-46, 51-45-47

«Բլից-Մեդիա» ՍՊԸ
հեռ. 52-5301

Առաքումը՝ ԱՆՎՃԱՐ:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (010 54-64-23 հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:

ԱՌԱՋԱՐԿ
հայկական տպագիր մամուլից

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

Բաժանորդագրության բլանկ

Անուն՝ _____


Ազգանուն՝ _____

Առաքման հասցե՝ _____

Բջջային եւ/կամ քաղաքային հեռախոս՝ _____

Հեռ.՝ (060) 490049
0023, Արշակունյաց 2, 5-րդ հարկ, 518ս.

ԵՂԱՆԱԿԻ ՏԵՍՈՒԹՅՈՒՆ



Շիրակ	-9 - 12 -4 - 7	Արարատ	-4 - 7 0 + 2
Կոտայքի լեռներ	-11 - 14 -5 - 7	Արմավիր	-6 - 9 0 + 3
Կոտայքի նախալեռներ	-6 - 10 -1 - 3	Վայոց ձորի լեռներ	-11 - 14 -6 - 9
Գեղարքունիք	-10 - 13 -6 - 8	Վայոց ձորի նախալեռներ	-6 - 11 0 - 3
Լոռի	-10 - 15 -3 + 1	Սյունիքի հովիտներ	-5 - 9 0 - 4
Տավուշ	-5 - 8 -2 + 2	Սյունիքի նախալեռներ	-10 - 12 -2 - 5
Արագածոտնի լեռներ	-10 - 15 -6 - 10	ԼՂՀ	-10 - 12 -2 - 4
Արագածոտնի նախալեռներ	-6 - 9 0 - 3	Երեւան	-2 - 5 -2 + 4

Լրատվական գործունեություն իրականացնող՝
«Ժողովուրդ թերթի խմբագրություն» ՍՊԸ
Հասցեն՝ ք. Երեւան, Արշակունյաց 22՝/3, հեռ՝ 010 54-64-23
Պետական գրանցման վկայականի համարը՝ 03U089086
տրված է 24.11.2010
Ստորագրված է տպագրության 6.3.2025
Տպաքանակ՝ 3968

Գլխավոր խմբագիր՝
ՔՆԱՐ ՄԱՆՈՒԿՅԱՆ

Տպագրված է «ԳԻՆԴ» տպարան ՍՊԸ հրատարակչությունում
խմբագրություն հանձնված նյութերը չեն գրախոսվում եւ
չեն վերադարձվում, Գ նշանով նյութերը գովազդային
հրապարակումներ են, որոնց համար խմբագրությունը
պատասխանատվություն չի կրում:

«Ժողովուրդ» օրաթերթում հրապարակված նյութերը արտատպելիս
կամ ընթացիկ մեջբերումներ անելիս պետք է պարտադիր գրառել
հետևյալ նախադասությունը. «Շարունակությունը կարող էք կարդալ
«Ժողովուրդ» օրաթերթի այսօրվա համարում»: